

靜

厓

詩

後

稿

靜厓詩後稿卷六

鎮洋 汪學金 敬箴

古今體一百十三首

乙卯七月
盡十二月

和石君師寄示精氣神借用陶韻三首

穴泉沸青節霄露零素時太和一醞釀天地妙合之人
生豈不然挹彼復注茲自從尾閭洩歸墟詎可期即為
補苴計灼火煩焦思燭以明自煎膏淚徒漣湏與子苟
合并既合兩不疑坎盈乃有孚所當玩其辭

右精贈氣

呼吸大造中寧論巧與拙艮限列其廣不用路已絕止
背不獲身乃可自怡悅觀竅既分明緣督亦審別千息
有委輸一心無起滅井底回微陽子半鼎先熟巽風駕
河車華池源不竭直養得浩然嗟哉傷薄劣

右氣答精

我本體不遺爾何行不著有生久周旋而弗思其故弱
靈或憑依木偶相牽附營營百年內止止我明語可惜
逆旅氏非我安身處聲色見如來動輒作常住豈知百
萬億難盡恒河數六根已長物何者為家具真人自有

真俗流空謗譽二子從我游我豈有來去苟不依形立
卓爾復奚懼一笑謝客塵母為主翁慮

右神釋

七月望晤同年嵇籬浦都轉用舊韻奉簡時僑寓

吾州

歸期先報海鷗知初服依然不染絲飛蓋又逢明月夜

壬子中元晤籬浦於津門收帆却趁好風時寓公緣忽萍蹤合地主

情惟菜把宜桂樹與君成舊約底須多費小山辭

松鼠

爾豈遷喬者何為此託軀問名疑颺颺有類比颺颺聚
穴情相肖乘墉性不殊有皮慚禮拱無翼慕狂趨蒼粒
經年飽青脂盡日腴一枝誰假借百尺漫睢盱鬪捷矜
予智居高笑彼愚潛踪依殿瓦得意走堂隅盤攫難殲
醜披猖更扶雞喜情頻掉尾怒態忽張鬚舐鼎徒增穢
銜書轉被污賣緣多畫伏跋扈竟宵呼險甚含沙蜮憂
同毀室鵠利排穿橐齒灾切剝床膚人事防瑾戶天心
疾負嵎兩端空首禍五技已窮途投器何須忌焚林莫
貸誅允宜嬰斧鑕奚止紕籠笊縱擅深機黠寧容末路

逋虬柯待歸鶴可與歲寒俱

驟雨新涼喜而有作

海上蒼茫風雨至人間暑氣霎時無
貪看水榭跳珠戲快寫山窓潑墨圖
涼餅冷淘餐力健薄帷清簟夢情蘇
今宵煩惱離聞觀已有秋聲到井梧

叔溫寄示遊惠山試泉詩二首余往來於此屢矣
未之遊也因和其韻以志後約

數聲款乃櫓花圓來試山中第二泉
煩渴我方愁病肺清寒君已聳吟肩
竹爐誰假龍團美來詩有未得佳茗之憾苦壁

應留麝汁鮮畢竟望梅何所益華池暗覓灌三田
生平洗眼此烟螺夢想空勞付逝波四面澄鮮臨水活
十分澹遠得秋多樵風江上終須便僧臘山中亦可過
萬事蹉跎皆類是期君重發扣舷歌

中秋坐月之作

冰蟾浴海氣清蒼捲盡纖雲夜未央祇覺塵顏汚月色
肯容病骨負秋光瓊樓玉宇誰能到貝闕珠宮詎可量
惆悵廣寒人一去仙音何處覓霓裳

十七夜坐月疊前韻

碧宇沈沈夜色蒼
驪珠忽吐水中央
漸增寥泬秋深景
未減清圓望後光
手引星辰如可數
目窮河漢最難量
天寒霜露無違願
采得芙蓉已製裳

叔溫秋試博兒賦一絕句送之同人皆有和作余
未之見也比歸出示闌卷大佳因補和之跋其文
尾

廿載才名徧石頭
者番又唱桂輪秋
詞人攔筆知多少
崔灝題詩黃鶴樓

偶見博國兩兒詩酒酬和之作戲和其韻

青人言不
詩如春夢漙酒是歲寒友不知宿世何因緣兩物居然
落我手手中有酒兼有詩眼底非詩亦非酒酒不必不
空樽詩不必不覆瓿但恐終為佛所訶結習難除且稽
首何肉周妻試較量此事應從未減否知而不改吾豈
敢待過明年四十九

齊中蘭桂菊同開合供一瓶時九月二日也

小山隱士跡何遠空谷美人情自深為報先生已歸去
好來同證歲寒心

重九招同人小飲一韻二首

抱病與君作重九祇因難負菊花情澹交共慕端人友
靜退何慙逸客名底用綺羅成讌賞漫勞緋紫比公卿
十年臭味誰相肖一樣燈前太瘦生

江上鑼聲最無賴

時候省榜

山中甕味頗多情眼中擾擾皆

非實身後悠悠那是名月缺月圓休問我花榮花悴詎
干卿此言畢竟猶饒舌獨醉長眠過一生

風雨和博兒韻

看過黃花已罷吟端居養拙學觀心閒消風雨終愁晦
病廢詩書倍惜陰大藥奇功無驟獲濁醪妙理且徐斟

希聲本不關絃指千古淵明獨解琴

園有三章

園有樹槐其葉纍纍歲云莫矣雨雪其摧
園有樹楊其葉牂牁彼生其穉我根恐傷
園有樹桐其葉茸茸朝陽榮女而萎秋風

和博兒寫懷七首

浮生逐境風升沈如紙鳶不知誰牽掣茫茫問青天情
波既傾竭劫火終焚煎返諸天一源此理殊不然
曠觀我生初淳寂豈不善而何我生後轆轤不可遣至

人游虛無絕跡焉能踐跬步以自持庶幾近於狷

尾閭洩鹹苦涕洟出辛酸太和本無味調燮誠為難澄
慮若止水宅心乃安磐何以養谷神守此目容端

生理惟一且浩然方寸胸彼哉齷齪人媚世稱中庸大
義日以乖嘅焉念黃農歸來衡門下日夕對孤松

躡嚅昨恩門睚眦今怨府隍中本無鹿市上乃有虎噉
喙託困涔熠燿競穢腐顛倒不自知正坐機械苦

小草榮神臯弱莖濡天漿自揣拱把姿豈有干霄望徘徊
仰喬木世澤不敢忘肝腦何足惜膂力非方剛

人言熊白珍我覺菜根美嗜好性各殊未必口相似學圃多所欣食力乃彌旨閉戶飽風霜禦冬計良是

和蛟門新寒感興一韻五首

危紅慘綠霎時殘秋老汀洲露已團田犢非犧畊輓穩淵魚不餌釣絲寒芙蓉顚顚人同病蟋蟀蕭寥歲又闌欲理雲和重歎息朱絃正直向誰彈

墻間炙冷與盃殘試酌清涼味月園士氣難矜毛褐賤人情易恥緼袍寒官倉飢雀晨呼迫隣柵荒雞夜詔闌但使抗懷希尚友何妨違衆受抨彈

聞道屠鯨朽骨殘，承平莫便弛軍團。
擁麾獨任巖疆重，

挾纊應憐絕島寒。

時有海警鎮兵巡視洋山

幕底雲濤空列艦，城頭

風雨獨憑闌。楸枰劫殺非兒戲，局外何由試一彈。

鉛槧生涯枉抱殘，誰從絕學豁疑團。
九年畊計三年蓄，一日暴防十日寒。
硯橫胸逢酒化糝糊，指眼對燈闌。

雲山韶護音何處，俗耳紛紛辨指彈。

幻形一笑付衰殘，藥裹何勞饋紫團。
橘叟有情成隱逸，梅妻無恙破清寒。
土膏待雪蘇畦稜，泉脉通潮上井闌。
我欲剡船東入海，攜君同聽水仙彈。

紅葉和葆初韻

江潭遮莫歎凋殘
天假文章寫歲寒
空谷借春喧蠟屐
荒林墮曉悟蕉團
朝華顏色終歸素
晚節心期自抱丹
漫惜菁英易枯槁
紫霜絳雪儘君看

東風紅豆記雙雙
賸有相思絡緯窓
橘柚園林悲楚澤
楓柟村落愛吳江
夢中綵筆題難認
醉後酡容鬪欲降
流水桃花今杳絕
人間休誤釣魚艣

黃葉和張怡亭茂才一韻二首

洞庭波起見霜村
搖落先悲楚客魂
人老玉關猶絕域

色衰金屋竟長門縱橫雁影風千片斷續烏啼月一痕
空有崔郎傳好句更誰為酌舊時樽

家住滄江夕照村昏黃烟水劇銷魂尋僧漸與雲封徑
留客偏隨雪打門綺業懺除空即色青陽回斡了無痕
凍醅欲鬪鶯兒艷底待梅開始泛樽

題陳清微觀瀑圖小照

詩人寫意不寫貌一幅寒林寄超妙畫工繪水兼繪聲
千巖萬壑風雨生漚泡幻滅終歸海須向虛無覓真宰
天根月窟通兩眸元珠內抱神為謀請君修觀先修止

山靜泉清取諸此

至日和國兒韻

天心無改移

邵子句

此理靜中知子半生寅際

今歲寅刻冬至乾

元出震時楚氛聞掃蕩

時逆苗初平

吳歲幸支持自笑簷暄

下羸瓶在井眉

白髮緣愁力朱顏賴酒功榮枯彈指頃生滅點頭中但

以禪資悅難將隱學通殘年偕詩遣汝輩有家風

戲題國兒呻吟詞後

借問男呻復女吟何如鳥語與蟲音旁人不解無生話

錯道龐公自了心

僕於冬至後閉關三七日賦此謝客愛我者勿以
為罪也

枉覓仙家大小還陽和一到濟衰頑三冬人事謀墮戶
七日天心驗閉關鶴氅多情留雪毳鴨爐隨意吐烟鬟
老梅於我緣殊厚破凍疎花總不慳

任性飛揚著力差浮生棲泊苦無涯坐馳一點成思鵠
夢擾多般伏睡蛇自笑此身為長物不知何地是歸家
春陽消息誰先覺已有晴窓雀舌譚

懶向茅簷話玉堂
底從陳跡較閒忙
七年病在難求艾
一宿禪空豈戀桑
活火通明紅棗杓
寒泉孤潔綠旗槍
妻孥莫勸加餐飯
半箸枯蘂過午妨

默誦黃庭是秘傳
內功漸次弗唐捐
輪生月魄初三體
珠定風魔第四禪
尋我真蓮無色界
全它老櫟不材天
門前軒蓋休相迫
只算先生醉欲眠

冬至次日聞律堂舉一雄越三日為其四十初度
之辰僕以閑關未得出賀因作長歌一篇贈之兼
示叔溫

大德曰生生不已試問雷從何處起井底微陽一乘炊
貞元遞壇義父裏福堂學易八九人扶經之心兩楊子
伯子擇善思其位敦艮已叶兼山旨仲子慮善動以時
孚兑乃占麗澤喜止其所者勤而行叔溫一字止庭遵
律堂一字勤齋
道殊塗自同軌君家曾祖西士翁學究天人見原委潛
德勿用無成名黃中通理有至美後嗣食報固所宜薛
鳳荀龍方可比苑枯修短數有之尊甫早世
家亦中落偶爾遲速

無彼此二難同氣篤友于非禮勿由審視履怡怡門內
無間言諉草忘憂甘菽水女貞婦順假有家匪直弟弔

亦妯娒太和醞釀久則徵厚聚深培浹肌髓在草為茲
木為栲陽月取義良有以亥闕子孳翕闢樞回斡機緘
孰為使乙卯冬至翌庚申雄鳴一聲先仲氏再索坎陽
得中實三日氣已懾犀兕賓朋絡繹往復來癸亥既望
逢覽揆笑看今日開湯餅可似當年設弧矢吾聞古云
四十強精氣充滿歷歲紀宣尼不惑孟不動聖賢可以
勉而企康強其身乃有為發強其德乃足恃君子之強
本於剛復亨而長可思矣无疾无咎豈不然顏氏庶乎
惟克已復初道人聞道遲口誦韋編若穉齒閉關三日

收放逸亡羊補牢亦可鄙贈人以言躬弗逮為君粗說
復之理大生廣生不測功天地之道一者是一生二兮
二生三乃至百千萬億劫但能守一存其誠人事天心
呼吸耳福壽多男信可憑從此德門錫蕃祉知剛知柔
罔不臧時止時行豈須擬請書余言作左券仲也欣欣
伯唯唯敬為高堂侑一觴積善之家必復始

疊前韻四首

靜中夜氣驗初還功在砭愚與訂頑歎我虛羸難驟復
覺人痛癢本相關負耜兒懶惟親帙推髻妻慵已廢鬟

恬憺道園人不覓養神翻怪嗇夫慳

觀竅須防注目差此中歧路渺天涯境紛每苦收猿馬
氣弱終憐縮蚓蛇霄漢何緣求拔宅海山有伴願移家
自慚難遣聞根淨粥鼓齋魚也覺譁

四大危於驚處堂閣浮提世為誰忙凋零枉禁將風籜
罅漏全疎未雨桑調習工夫柔六轡攝持力量急三槍

急三槍曲
牌名也

若非真際忝消息頭腦冬烘坐卧妨

元機不是語言傳萬卷丹書盡可捐有識難忘醒後夢
無生堪話病中禪閒離膠擾愁眉地密透光明道眼天

輸與癡聾村老漢飢來喫飯困來眠

叔溫先欲以昌黎詩償淮南子繼欲以陳其年四
六易玉溪集用坡公仇池石韻作詩二首蕭百堂
胡蛟門及國兒皆有往復之作幾如聚訟矣既而
以詩示余蓋欲解紛也因賦此詩以止之

五色亂邪正朱紫更黃綠斯文亦有之別偽苦不足世
人鮮知味芻豢雜充腹浸淫腐腸胃日使生理蹙淮王
慕大道脫屣棄藩牧昌黎振雄文砥柱障川瀆依樣繡
鞦韆馬可褻藏玉貴飾致剝窮復亨防始伏豈有鐘金

惑冀待著蔡卜諸子盛意氣詞場尚徵逐奇貨關一市
虛聲應滿谷息爭貴無言懲忿先窒欲病夫兀聲瘖逢
問直與曲默然玩義爰仰視白日速

余有淮南子為鼠所齧蛟門出善本校補因欲易
之而不敢請今見諸君易書往復有作乃得間矣
遂以此詩先之終待來章報可耳

淮南有點鼠竊睨方瞳綠昔已拖其腸今復傷我足思
食神仙字妄飽饕餮腹絕編空摩抄缺簡屢嘖感書田
聚餘糧迎貓祝春牧賴君善彌縫爰捷塞漏瀆雖然補

蝸石終遜完蘭玉借荆感良深得隴貪已伏囁嚅將陳
詞從違未可卜勞心徒怵怵耽視每逐逐同人發心言
蘭芳灑空谷巧便乞胡麻何礙天人欲開卷招八公神
往山之曲會須舐丹鼎一朝變化速

偶占

藥與病相妨身隨世共忘象中觀事變物外數年光人
意期貞勝天心重密藏翻嫌枝上鵲饒舌話春陽

臘月朔日集禮南海懺禱雪輒應喜成是什

夜半花飛蓓蕾林林間布滿吉祥音味從黃蘗禪中得

言不香
光在白毫相裏尋何幸龍天助歡喜却逢蜡臘壓灾祲
近日里中
多時疹
即香即色非香色好與寒梅證佛心

臘八粥用坡公豆粥韻

辭祿歸來賦邁軸二頃先疇贍饘粥山妻對案兒侍膳
矍鑠臣家有癡叔江鄉蜡臘開王春秬香先飽扶犁人
茅簷負暄瓦盆熟列坐少長歡天倫侯鯖雖美食徒寄
得意塲間謀一醉殘年風雪漫彈鋏肯憶家園菜根味
亦有窮士依江蘆半菽不足簞瓢孤晨突無烟忍飢凍
到口一勺如天酥黃梁未醒無是處齏鉢隨儂作常住

轉眼臘月三十來，喫飽蒲團休歇去。

和范石湖四時田園雜興六十首

土牛背上聽春聲，先向東郊祝順成。
聞道歲星吳分朗，天將一飽賜蒼生。

夜半荒雞喔喔催，一通粥鼓寺門開。
僧雛休道衝寒早，已有三更踏雪來。

菜隴蒸黃麥隴青，林梢布穀又催畊。
夕陽一片烟蕪色，照眼桃花分外明。

幾曾運水與搬柴，且覓團蒲數息來。
畢竟懶公難放懶。

十年煨芋未成灰

廬山結社有宗雷
晏坐經行日幾回
玉版茶師為供養
鉢龍新送乳泉來

小園近午蜨蠶喧
節候江村過禁烟
翦就春衫新白袷
好來楊柳緒風邊

了無剝啄儘科頭
小屋臨池恰似舟
一卷黃庭百回讀
神游竟可到丹邱

翦枝截蔓雨中回
點綴紅薔間翠梅
新搭木香棚一架
家人要試殿春杯

勝有詩情更酒懷
索儂題句勸儂杯
晚餐到口尊絲滑
買向垂虹亭畔回

青李來禽壅護勞
林間鼠雀苦爬搔
問他老圃何方法
養就城南水蜜桃

螺螄上擔藕青包
斲口鳴榔唱徹宵
市上海鮮新減價
沙船大汛到桴橋

曉起呼僮蒔菊畦
雨膏深透土膏肥
年來三徑都治就
不負先生解組歸

柳花亂撲硯池香
風軟垂條踈地長
又覺眼前生意好

新萍一夜滿方塘

新荷驟雨曲曾翻
羞看春衫舊酒痕
底事白頭紅粉習
渡江到處唱桃根

穀雨纔過開楝花
蒸藜炊黍餉田家
山翁無事嫌貪睡
消受南窓七椀茶

銷夏灣頭杜若洲
故人招我肯來遊
出門偏是黃雲隴
難得今年麥有秋

連陂雨足水雲涼
新綠如鍼一寸秧
揀蔣將忙傭直貴
紅紗白墮滿村香

一棹全家笑語中誰知甫里往來蹤榴皮記有回仙跡
只在清茗道上逢

蠶戶家家桑四圍縲車聲裏掩荆扉生憎布被冬如鐵
買得湖州雪蠶歸

白筍爭抽脫紫茸青梅皮色帶微紅歸航廬橘如金彈
親為孫雛解翠籠

鬧龍戲水噴珠塵菖葉榴花節事新夏至剛逢端午日
人情比似歲朝春

諺云夏至難逢端午日
百年稀見歲朝春

滿院槐陰晝景遲茶烟一縷午風微小樓纔望雲峰矗

已有蜻蜓點水飛

雷殷雲騰水墨堆
黃梅生怕去重回
筍鞋踏慣新磚地
一月何曾出戶來

雨外村墟晚市稀
老翁倚杖立柴扉
兒童愛弄前溪水
穩卧烏犍不肯歸

吠蛤池塘綠暗肥
初昏月淡衆星稀
追涼步入幽篁去
瞥見流螢一閃飛

桐葉蕉陰羃翠寒
團瓢容膝學安單
北窓儘有羲皇夢
一到壺中如許寬

揆囊惜少買山錢六月炎邱度小年羨煞漁蠻唱歌去
飄然一葉五湖天

西涇迤邐足烟波卯色天光透碧叢隆福寺前荷四面
晴香不比雨香多

水車徹夜不停機秧馬終朝疾似飛底事嶽雲安九夏
衲裯也號水田衣

傾盆驟雨挾溪流白浪連村注澮溝東北海沙雲又起
人家日夜怕潮頭

秋成婦子話蓬麻機上隣娃未有家莫向天孫貪乞巧

靜佳詩後稿

卷六

七

七裏終歲怨匏瓜

竹几藤床弄晚涼
大歡稚子髻丫雙
徹宵冰簟渾無暑
夢醒西風蟋蟀窓

難從沆瀣乞天漿
且試山家麴米香
三月不知鐺杓味
頓令熱惱化清涼

防海軍屯弛晏嬉
幾曾連弩射潮歸
今年議遣狼山戍
火急文書插羽飛

婁田瘠薄苦難鉏
灾歉丁男力盡枯
黃紙滿街傳好語
明年全免十分租

暎花曬稻祝秋陽
檢箔牽龍喜夜長
大嚼新秔貪飽睡
黃棉襖子蓋繩床

晚芳庭院雁來紅
一夕淮南桂滿叢
徧地如來金粟海
最嫌吹墮是罡風

江上鐸聲是惡聲
十年不字怨幽扃
謂楊叔溫方干到老慳

才福合伴桐江處士星

婁曲淞南共息機
入林製就芰荷衣
江頭風浪無憑準

隔斷沙鷗相背飛
懷愛廬也

挑起帷燈漸又低
知君獨處感雙飛
謂錢吉亭時此情有悼亡之戚

付與湘靈瑟多恐朝朝減帶圍

箏琶滿耳古音難獨理心謠咏歲寒

胡蛟門有新寒感興詩

二頃

薄田君已足傲他糴米廣文官

短籬殘菊尚垂垂滿眼霜風酒醺宜要與此花矜晚節
孤芳善保落英時

黃葉龕中著病夫心懸

魏闕卧江湖茅簷重話

金

鑿事夢裏蓬山記得無

畊鑿堯年樂太平隨人問雨復占晴朝來隴畔蹣跚

舞喜見前星出震明

弊廬喬木守東倉暗裏年華點鬢霜却笑長楊貪獻賦
校書白首尚為郎

禦冬旨蓄足山家樂事殘年未有涯竹葉三升清似露
楓林十里艷于花

碧山學士解銀魚到手霜螯配雪鱸誰道歸田飽薺甕
管城食肉相全無

漫道前緣般若深幾曾宏護到禪林闍黎合十稱檀越
愧乏祇園布地金

水落魚梁畧約高短篷柔櫓達村郊墓田丙舍松楸路

反哺寒鳥戀故巢

休譏頭腦太冬烘村塾臬比亦養蒙但願官師崇講席
紅鷺白鹿見遺風

西隣糶穀已苦茅北寺煨糝尚掩寮廣廈生平總虛願
可憐寒士有吹簫

香紋如篆集筠籠蠟紙深糊隱曲櫳手撥熟灰藏活火
五更簾幙透微紅

閉關默坐養黃宮未許兒曹溷乃公只為寒梅漏消息
杖藜時過小橋東

啟戶貪看快雪晴
晨曦微解研池凝
瓊樓迴出高寒裏
掛徧簷牙二尺冰

瓦盆潑芥甕醃菰
臘醞筍床比蜜釀
明日消寒呼作醪
老夫盤飮咄嗟供

三適蘓家意味長
更貪煖足是深湯
床頭伴我凌波韞
夢裏氤氲翠被香

謂水仙也

愆伏無端疾癘蒸
蟲沙小劫苦難清
香臺密轉陀羅印
乞得楊枝灑滿城

急景流年似箭催
又聽臘鼓上街來
棗香豆軟分齋粥

團坐家人禮佛回

轉眼桃符換里門
新元父老喜班春
史官欲紀重光瑞
差比江村獻曝人

養病也有石湖情
通俗隨時類楚荆
笑把屠蘇為潤筆
今宵六十首詩成

靜厓詩後稿卷六

靜厓詩後稿卷七

鎮洋 汪學金 敬箴

古今體六十七首

丙辰正月
盡七月

嘉慶新元恭詣

萬壽宮行禮敬述

萬國

尊親効祝

釐元年元日際昌期

兩宮錫福垓埏慶三世承

恩覆載慈喜色飛揚頭上勝老懷
觸手中著

行年四十九

太平畊鑿生何幸祇愧偷閒報稱遲

大願船為瑤華子賦

等虛空界願無邊一瓣蓮花太乙船
得筏丹溪先見佛
同舟瑤海又攜仙乘風破浪憑誰力
泛宅浮家了此緣
縱使吹經羅刹國堅牢何礙舵樓眠

水仙限韻二首

一笑蓬萊海是田無緣癡絕祖龍鞭
劫風誰醒生枯夢
流水渾忘大小年粧束黃冠初入道
懺除綺語總歸禪

駐顏自有華池液底羨金盤捧露仙

清寒臭味託苔岑冥契無端擬芥鍼洛轍去來非有迹
湘絃續斷是何音丹嬰鈴姹真元炁磬弟梅兄蕭灑吟
欲問黃庭好消息坎離養就箇中心

碧桃限韻二首

三生仙種知天福一悟禪心見佛慈劫火也曾封玉洞
罡風原不到瑤池根門有果須求核色界難空總相皮
為語桃康勤守戶好教和露頰嬰兒

東皇著意鍊君容勅賜蓬萊沆瀣鍾梅下縞衣攜手問

青
言
不
和
二
竹邊翠袖點頭逢聚成頃刻丹砂熱散作虛空玉雪鬆
枉向春風覓人面本來早已證天龍

送梅二首和密廬

即蛟門韻

對花漫叩去來因却笑何勞作主人非色問誰離水月
不情強我伴松筠三生相識新原舊一歲重逢舊轉新
畢竟東風太饒舌灑然無著與天親

聞說瑤臺有路經無端結想隔青冥話來小別終成戀
了到真空盡喚醒蜨化仙人疑狡獪鶴依處士惜畸零
早知開落何分別自在禪關苦費局

和密廬鹿城寄懷之作

病馬虺隤每怯鞍，但容伏櫪便為安。
朱顏非昔逢花笑，青眼如新對柳看。
樓畔聽鐘同破曉，齋中懸榻各分寒。
玉山題筆風流在，愧我吟懷已久闌。

和滄來郡尊西郊即事之作

盡舫低穿畧約西，連村麥熟晚雲迷。
行厨但載陂塘水，步履親沾畎澮泥。
經士追陪揚子席，詩人傳詠白公隄。
更欣時澤隨車應，多稼先占有滄萋。

內子五十初度，禮吉祥懺，竟以所供玉盤盃壽之。

成詩二首韻用文殊字

珍重花枝贈與君
此花師利座間分
一心清淨芬陀現
百福莊嚴薦薰標
起赤城霞駐景
莖依紫殿露騰文
吉祥會上呈新瑞
不負香龕七載勤

試把根原問藥珠
是仙是佛本非殊
盤從西母攜來有
盂向南禪證取
無玉女洗頭飛作
蓋寶王合掌結成
村煩君供養維摩
室長此三生淨業
俱

園居初成篲浦同
年枉過以文衡山
畫并題詩見
贈依韻酬謝

廿年宦味共升沈把臂鄉園喜弗禁風雨論心猶往迹
雲烟過眼總流陰田間蝸舍何妨小世外鷗波不厭深
臘有梅花知晚節寂寥相與對寒林

風雨寂寥梅萼未破衡山題畫語也

王述庵少司寇見題畫幅仍用前韻謝之

展對新篇炷水沈瑤情鄭重感難禁謝公才望高江左
永叔文章老汝陰卻熱竹梧隨境適凌寒松柏閱時深
著書歲月歸黃髮又喜傳抄出志林

時修太倉州志

靈巖

臺蔓琴徽絕廊蕪屐響沉霸圖空想像名蹟重登臨巖

壑山靈面田園地主心如何雲出岫不作濟時霖

寒山趙凡夫故居

通隱寧非隱凡夫自不凡丹青矜墨妙緇白印香嚴鑿
澗泉為雪磨崖石作瑊何年雙鶴返遺響在空嵌

謁范文正公祠

間氣吳都秀高風宋代英立身先孝友致主篤忠貞德
秉直方大學臻純粹精明良逢盛際憂樂見平生吐哺
三千士羅胸十萬兵資兼文武重道歷險夷諫草披
肝切軍籌破膽驚嘉猷濟韓富絕業倡周程有子光遺

烈惟公副易名社緡傳義產林笏表佳城桑梓存心敬
松楸展拜誠歲寒堂構在雲物迴含清

天平山

吳山清柔微少骨就中天平最奇突森然屹立萬石丈
氣象雄偉貌朴質倏仰偃倭各殊狀侈弇凹凸難殫述
背負屏幃面列几內虜宮宇外表闕盤伏獅貌翥鸞鳳
子躍夔罔附蛭螻得非媧皇鍊元炁磬確填補東南缺
或乃靈威閔玉簡雕鑿透達宛委穴我來觸暑更冒險
捫葛攀蘿未休歇斷崖絕磴本無路眼明一罅岩扉裂

瀟灤白雲濕襟袖手掬飛泉散煩渴世間毒熱不到此
浩浩長風變淒冽遠望具區三萬六千頃但見風檣沙
鳥出復沒始知造物寓深意流峙往往互融結人言吳
士文有餘堅節特操或所絀龍圖老子何堂堂含蓄溫
潤露縝栗立朝正色無唯阿介石之貞可相匹喬木風
烟代屢更高山仰止情猶切地靈人傑信有徵間氣所
鍾時一出游人來拜范家墳指點青山比傳笏

端午日咏艾虎

歌饒初奏艾如張生縛於菟赤手強誰信大人能變化

却勞小草作驅攘愛君不惜三年蓄戒女終防七日狂
底笑征西多口吃頭顱骨相自非常

諸將用杜韻

搯海咽喉重寶山安危咫尺繫鄉關伏戎近伺吳淞口
開府遙臨滬瀆間戰艦幾人排浪白戍旗終歲照波殷
隱憂惟有豐年祝風雨無驚一解顏

聞道霞標傍赤城帆檣萬國候風旌封疆自豢荏苒盜
郡邑空傳組練兵差喜飛章收吏墨要知按堵賴官清
歸田宰相郵書切欲卧簷暄話太平

言不才
江上俄驚列堠烽，襄樊千里楚氛重。
音懷可望鶚林草，勢潰難謀蟻穴封。
大府韜鈴持未決，疲氓鞭箠困猶供。
湖湘豐歉關天下，何計兵興弗奪農。

辰水沅陵紀漢標，箐烟峒雨幾曾銷。
五溪鳶跼多淫毒，九砦雞連轉廓寥。
豈遂廟謨輕玉鵲，毋忘師錫寵

金貂。虞階干羽聞來格，為有皋夔贊帝朝。

衮衣未許賦歸來，滿目蜚鴻莫告哀。
持節尚留南粵郡，攬裘獨倚北風臺。
心馳魏闕雲千疊，手挽滄溟水一杯。
海內共推安石畧，朝端誰論鄴侯才。

苦熱三首

邵子觀物言暑變物之性陽德居大夏發育滋豐盛誰
知姤陰來乘間竊其柄消長勢已成翕闢力相競暘燠
豈不時邪濕僭違正衣冠苦桎梏房闥鬱金甌坐令神
智昏遑恤耳目病欲求戰勝功一心惟主靜

外熱在軀殼內熱在衷腸膏火兩銷爍煎迫豈久長竊
窺攝生理退息敢或遑濯以清泠泉沃以般若漿惜非
金石姿難與爭陰陽一鼓強作氣衰竭終不揚君子務
直養克塞至大剛翻身鼎鑊中火井飛冰霜

吾觀臺笠夫趣耘夏畦勞但願苗日長焉知炙背腰亦
有甲冑士轉戰毒溪鑿苟得生還樂不怨燎髮毛疣贅
天地間所補無秋毫衰懶世同棄謬謂虛空逃蜩甲不
早蛻蚓竅徒自號海天兩鯢鵬凌風何逍遙

暑夜

雨脚斜連日脚紅晚天猶作喬雲烘穿簾螢火有明滅
繞枕蟲雷無異同五濁苦因居鼎釜三空妙法脫樊籠
何時白羽橫江渡借我高眠草閣風

蓮房

翡翠巢邊一握藏
碧琉璃地宛中央
網成窻霧千絲結
鏤出龕雲七寶裝
向午黃垂蜂蜜熟
近秋紫護燕泥香
房中雅曲思君子
底數吳宮璧月璫

蓮鬚

層層暈碧淺塗黃
寸寸聯苞密綴纈
織就鰕髯晨粉滑
摘來驪頷夜珠涼
五湖烟水成疎散
諸子風霜見老蒼
試吸碧筒供一笑
吟髭細撚恰相當

乞巧詩

天巧何所施
寂然神萬物
地巧何所呈
森然形萬質
有

生人最靈厥巧帝陰隲五芽丹藏淵八暉白照室孔竅
牖聰明樞機鼓喉舌文笥雜組儲智囊脫穎出發揮為
事功蘊畜有德術與道互卷舒隨時迭伸屈錯綜經緯
然變化模範不緬惟庖犧初巧畫奇耦筆洎乎軒轅作
巧配雌雄律颺蓬輪巧運雨粟字巧洩璣衡巧周稽樛
樛巧遠迄說巧調羹鹽旦巧章亥黻恢閎巧萇聃博衍
巧僑肸宣尼集其成聖巧合而一上哲入固優曲藝數
堪悉巧御逞軼鷗巧射矜貫蝨巧匠中鉤繩巧醫察芒
芴巧弈爭雁行巧九駭蜩掇巧吭鶯簧哢巧手駕杼杼

巧體自統宗巧用乃區別畀余誠有餘求已又誰缺衰
俗世昏聩與德日回適我詐復爾虞大癡徒小黠智弗
避罟獲蒙豈脫桔桎諂鬼作矯誣邀神圖攘竊紀歲楚
咻傳隸事齊諧述稗說星指雙護聞月俸七嫁錦富成
裏聘錢乏貸鎰薄謫筮睽乖永懷賦契闊河梁怨修阻
海槎望颺颺素序邁佳期碧宇會靈匹鵲髭驅填橋牛
喘弛負軌漢殿已虛誕唐宮更狎媒效尤甚里巷鬪艷
增閨闈穿鍼颺綵絲曝衣襲繡裾遞爽金颺翩散燠火
雲霽露綴百琲珠月挂半彎玦山館涵清寥水榭亘明

瑟井桐碎尚繁池柳疎猶苑殘聲庭曳蟬新響壁吟蟀
洞房瑤席陳飛閣瓊筵設筠櫳宛轉褰花木歲蕤結涼
犀鬱鬱流煖鴨都梁藝蘭箭羅紫莖瓜環摘翠徙翦酥
燕尾捎擘脯鶯肪裂掩抑奏神弦婆娑舞巫剡斂躬事
禋祈肅儀具齊被凝眸睇虹衢屏息竚霞蹕徘徊下琳
宮參差度絳闕安輿八鸞銚輕珮六銖戛我思若懔恍
靈來兮髣髴想捉回風裾請緩凌波韞陳情何妮妮祝
願殊屑屑然疑慮不寧從違志先怵謂乞天孫巧織紉
工妙絕謂乞天孫巧倩盼容華潔謂乞天孫巧同心固

膠漆謂乞天孫巧得意甘飴蜜厚矣巾幘顏鄙哉脂韋
骨道昧妾婦羞心溺兒女熱人笑愚公愚彼慕乞人乞
奔走靡不為利達猶未必星言或證盟夜卜可通謁何
以規巧利穴聚常滿溢何以學巧宦巷遇驟顯秩何以
巧射蜮含沙穿七札何以巧脫兎鑿坏就三窟威權何
巧取爪牙奮獫狁朋比何巧合肩背負蚤蟹我肴神居
歆我酒神醉悅益我一生巧助我萬事吉匍匐態足恭
囁嚅辭難畢仰睹精芒張似聞威音叱搖動摩參旗森
嚴仗井鉞斗口柄魁罡箕屑簸空埽貴主投梭愠神夫

舉鞭扶噫嘻毒蟲吐么膺小蠚蟻盜氣乘細縕賊性變
詭譎以女巧貪黷鑄姦象饕餮以女巧欺罔書惡比構
杙以女巧營競蜣螂轉跳脫以女巧炫鬻蜉蝣出掘閱
行險快僥倖乘危窘顛蹶女何不痛艾而乃更强聒利
喙將女瘖佞舌將女拔柔顏將女黥捷足將女刖庶幾
挽澆漓可以返漢沕覺彼蚩氓迷告爾明神罰勿弛用
缶誠勿改抱甕拙勿習文士謾勿誤騃童褻巧言戒鮮
仁巧笑恥虧節鑿竅混沌死葆光杳冥活靈扁謹閉鍵
元籥妙迴斡凝道善集虛洗心貴藏密不貪契筭穎無

為樂懷葛王子白鶴鷄陶公赤龍軼逍遙八極游化育
三才列倪視叩頭蟲勞生傷薄劣

自笑

心肝得酒生芒角眉眼逢花作纈紋自笑瞋癡根未拔
錯疑花酒是魔軍

國兒為余夫婦祈福而齋且八年矣今歲病甚憊
命之食肉弗敢違也作詩自嘲因和其韻以解之
喜懼關心父母年斷齋分芋豈徒然天厨攜得紅麟脯
何礙全家拔宅緣

老僧轉下燒豬偈居士而今會得無示病不離食肉相
是名即佛即凡夫

和陶貧士

孤松抱晚節落落何所依冰霜既相狎寧復希春暉江
湖多旅雁苦逐稻梁飛南畝無棲糧歲暮猶未歸悠哉
衡門下可以樂我飢求已庶自得求人良可悲

海濱有一士迎風何軒軒躬耕力弗逮抱甕聊灌園生
理既已足萬境隨風烟筮易得肥遯此義悅且研偕隱
有夙諾幸免交謫言持祿苟忝竊俛仰寧為賢

宣聖邁陳厄解慍揮素琴寧子要齊相扣角出商音所
志判廣狹奚翅尺與尋鄙哉烹雪叟忽慕羔酒斟豆羹
見於色好名安足欽悠悠付時論孰辨華管心

吾嗤守財虜衣裳弗曳婁銅山終餓死命薄何功酬人
苦不自量季氏富於周多藏乃厚亡封殖深可憂緼袍
與狐貉千古難同儔高歌雄雉篇不忤亦不求

飲啄苟非分憂患輒相干世人不悟此多錢為好官不
知肉食者何以解素餐志士愧溫飽豈慮飢與寒古來
茹芝人皓首棲商顏兀然念身世一息舜蹠關

藐茲寄大塊飄忽無根蓬百年曾幾何屈伸隨化工修
名恐不立汲汲漢兩龔時俗計斗筭所謀難與同奈何
唯阿人在隱復號通世有楚漁父鼓枻往相從

陶公恥折腰高名動江州慨焉念黃虞叔季誰可儔屈
指典午賢卓絕第一流乞食豈為辱飲酒聊忘憂我生
千載後抗志默與酬采采秋菊英服襲常好修

喜雨用王半山元豐行韻

今年大熱八十日其雨其雨杲杲出婦子踏車不遑室
坐歎秋禾秀難實曉風驅海聲震滔崩雲如山壓林臬

聽輪疾駕豐隆尻洪流傾注龍胡毛得非若士逢盧敖
偶憫人世三農勞戲掬滄溟一杯水回斡歲功捷如此
天地作解陰陽通我身藐然乃與同投杖起舞歡無窮
昨猶枯槁今滋豐

蟲聲用國兒韻

水簟風帷倚枕高夜涼不寐警秋號暗鳴壁上爭劉項
細碎窻間困鄭毛浮入清商沈入角哀成變雅怨成騷
耳門別有無聞法笑爾多生口舌勞

夜坐仍前韻

靜居詩後稿

卷七

七

江城風笛入秋高
喚起征鴻永夜號
一壑雲泉醒石骨
五湖烟月冷溪毛
隨時漫學東方朔
為國終慚北郭騷
留取歲寒生意在
霜畦抱甕莫辭勞

中秋對月仍前韻

欲撥浮雲待月高
遑辭露泣與風號
金波采溢蟾精魄
碧落光生鵲羽毛
澄霽海氛收鼓角
沈寥天氣近詩騷
人間不識嵩陽客
却笑勤修玉斧勞

○博兒葺丈室曰聞木犀香處因示是詩

輪囷耶木居士
溫磨耶香童子
鼻端作功德
口頭嚼文

字總是多生癡愛纏般若門中不如此梅檀林一叩齒
芬陀座一彈指衆生步步墮根塵妄向維摩弄禪喜無
香聞於何際立無聞香從何處起可惜涪翁鈍老漢却
被晦堂瞞過矣請把木犀枝種在虛空裏霎時青銅鏡
突出滄海底現前金粟大如來是曰吾無隱乎爾

秋萼仍用坡公春菜韻

三泖新涼下木葉莫把湖萼認山葢金風玉露出淘洗
雪梳冰甌瀉甘滑惜無筍萌劇腴嫩喜有薑芽配清齋
思秋張翰豈虛語却笑墨莊亂塗抹

墨莊漫錄謂萼生於春至秋則不可

食以張翰秋風為不可曉素中郎湘湖記亦有此疑中郎耳食亦拘墟似是而非
辨蝸甲近來文字好評議文飾淺陋爭軋茁豈知古人
慎識小多聞闕疑恥臆說啍飽何須苦著書釘鉅空愁
腕欲脫

秋興八首用杜韻

幽栖僻愛小園林况對清商萬景森風入江村驅積暑
雨收海島豁浮陰閒忙總付漁樵話憂樂難忘畎畝心
何處秋聲併遙夜斷蛩落葉閒疎砧

曉暖晨飛露脚斜強支瘦骨閱年華枯稊非分辭時棘

斷梗無情避使槎
麤識之無慚輟耒偶諧競病怯聞笳
一生措大成何事休問江毫謝後花

桂魄清圓萬里暉
觚稜夢醒曙鐘微
後先喜共鴈鸞集
南北憐同雁燕飛
館閣巢痕元不掃
關河轍跡也應違
故人書札勞相問
為報萼絲繞箸肥

爛柯却笑看人棋
得者歡娛失者悲
一舉鴻毛風順日
兩軍蝸角戰酣時
金張許史貂蟬續
嚴樂淵雲翰墨馳
宣室忽聞求賈傳
蒼生久繫廟堂思

大內天開萬歲山
赭袍拜舞九霄間
捧觴杖履趨南

青月言律和 卷一
極掖 輦旌旗出北關
預卜珍符通泰時
何勞羽翼召
商顏雞鳴 問寢龍樓後
睟穆欣瞻侍從班

迢迢楚尾接吳頭
極目蕭條倍覺秋
水沒蒹葭千古恨
烟空橘柚萬家愁
焚山豈免驚猿鶴
籌海何從穩鷺鷗
幕府歌鐘殊未已
禿襟小袖按涼州

楊僕樓船血戰功
百年廢壘浪花中
軍郵警報神祠火
賈舶愁飄鬼國風
燹地已聞千里赤
海倉誰辦十年紅
泰茹引領匡時策
老我昇平擊壤翁

菜圃瓜疇徑邈迤
弊廬合守舊林陂
癡嫌蝙蝠求千歲

智學鷦鷯覓一枝顛直枉勞東閣禮衰遲終畏北山移
榮光咫尺三階朗徒倚虛檐斗柄垂

十二少詩

雲笈七籤云行十二少養生之都契余感其言
各賦絕句一首

少思坐斷去來今到手元珠不費尋識得畫前原有易
休從動靜辨天心

少念虛明透五芽天然艮背挽河車元關淨土無分別
最怕臨時著力差

少欲中年戒早持橫陳嚼蠟味先知黃庭有訣調嬰姪
鼎火抽添活子時

少事經年闔兩扉逃虛只愛足音稀直須捶破邯鄲枕
方了人間萬是非

少語長生內外鍵宗門也忌口頭禪舌存未必全無用
導引華池滴滴泉

少笑差堪息衆歎啞啞默勘震初爻春光休洩冰梅口
密護微陽待泰交

少愁聽我說三空萬境全消一塵風怪底世人親酒醺

生涯潦倒醉鄉中

少樂天倪妙際藏相知何必託濠梁後人尋覓簞瓢趣
顏氏當年已坐忘

少喜人疑太不情豈知勝敗總枯枰君看爛漫燈花燄
畧受西風淚已傾

少怒全憑忍字功癡聲便可作家翁若留豆子灰中火
一扇終防對境風

少好生平信有之何勞長物苦相隨祇餘結習渾難破
寧廢朝餐不廢詩

少惡無嫌與俗乖
裸裎袒裼盡吾儕
若譏老眼無青白
便道卿言亦復佳

靜居詩後稿卷七

靜厓詩後稿卷八

鎮洋 汪學金 敬箴

古今體九十二首

丙辰八月
盡十二月

和熊謙山方伯抱甕吟

明公進抱道霖雨在掌握屏藩莅南紀宣我 皇澤渥
一溉華桑茂再溉條桑沃海波砥其狂河水渟其濁農
書奏屢豐貢籍登惟錯遠師言氏軌近繼湯公躅豈曰
驩虞補弗以逆億覺周咨勤旗旄兼聽急輶鐸畜履既
交泰夬壯寧憂剝山靜泉自清蒙求公必告賤子退抱

甕六鑿相戲弄末由企朝聞浪寄浮生夢
敝漏射鮒濡卑猥舞難控菽麥差云辨
瓜壺聊學種巧拙兩不知敢矜性違衆
祿賜念國恩野芹不忘供坐歎蒲柳姿
筋力已衰痛瓶羸養何功綆短汲焉用
抱道抱甕心相去尺與尋私祝盈缶甘
惠我田疇深

城北廢宅一區施為育嬰之所
滄來郡尊捐俸葺成時庭桂初花設酌
見招為賦是詩

老樹輪囷在新陰蔽芾成感公封殖意
慰我拮据情運甕民偕樂編籬婦不驚
秋香無限好懷抱許同清

四境呱呱者微公孰保任官私紆善策憚獨急哀音助
海涓流細成城衆志深請看簷鵲喜亦有哺雛心

九日用坡公韻

病菊垂垂不滿籬也如衰朽强支持只愁口吻青尊負
底惜頭顱白髮欺鴻戲為賓何可弋鶴歸有子漫相縻
登高一掬西風淚戎馬關山劍拄頤

博兒用坡公九日黃樓韻作詩亦和一首

今年彭城秋水決四郡丁夫困徵發孰禦長流走蕭碭
并欠下策塞澶滑民生飢溺難纓冠吏術補苴徒綫轡

枉渚天寒鵝羽沈日暮空墟蜃涎呬但聞溝瘠受鞭箠
未見波臣助舂鍤倒挽黃河不洗兵荆湘千里紛屠殺
衆生一劫莽沙蟲惡業悲纏五濁刹東吳病夫不材老
魚鳥江湖息機輒金鋪葑葑花漸放珠滴糟床酒新壓
妻孥猶得免啼號齒髮何須愁禿鬢閒分山芋豢老狙
戲折汀葭弄花鴨今朝醉裏過重陽話雨依稀記湖雪
前歲重九晤戴
可亭于吳興

滄來以九日詩索和走筆應之

籬菊無花興已闌蔬盤淡薄酒樽寒今朝村裏貧元亮

絕似山中病懶殘
刺史詩篇民物抱
故人書札笑言懽
莫言風雨孤佳節
秔稻登場萬室安

和滄來月夜賞桂之作

欲到蓬萊路阻長
戲春金粟作仙梁
淮南仙犬誰嘗藥
海上冰蟾獨抱香
月榭花臺秋澹冶
風裳露袖夜虛涼
郡齋詩思清無比
宛溯伊人水一方

滄來疊前韻見贈再為酬和

不惜題詩到夜闌
知君結趣在高寒
芙蓉蘆淮海三洲盡
橘柚荆湘萬戶殘
風帽獨留佳節話
霓裳同省少年懽

病夫笑傲棠陰裏漁唱樵歌一枕安

抱甕生涯計最長敢矜藜藿勝膏粱菜根題額邦君寵

近為余書
菜根軒額

菊把浮樽處士香絢素詩情霜纈豔清和道

味井華涼一聞莊叟談秋水始悟拘墟笑大方

閒好吟效香山體

閒地閒人閒節候好花好月好詩篇未能忘好成癡漢
誰解偷閒學散仙好處閒消行脚債閒中好覓點頭緣
老夫閒好無分別付與閒來一好眠

雨中作惜桂慰菊二詩仍借用前韻

花豈論遲早

今年園桂重陽後始花

開猶計短長夢飄雲外粟愁

裏雨中香老榦餘孤直幽蹊信踽涼靈娥空擣藥奈乏
大還方

不覺重陽過終慳菊候寒陳根坐枯槁晚節抱衰殘天
意施膏沐人情含笑懽瓦盆消息好挿竹報平安

博兒以蒸鴨餉弟用前韻作詩戲和一首

為報肴蒸品特高索嘗無計禁兒號花牝終厭肥添乳
瓠鴨猶猜爛去毛哇肉恥為齊士行持螯欠伴楚臣騷
國兒病後忌蟹故云推梨讓棗如疇昔也學比隣饋問勞

蛟門戲寫一鴨仍用前韻題其紙尾

不逐同羣意自高笑他一粒苦爭號莫教使者驚言語
也學幽人惜羽毛委巷隣聲嫌惱亂荒陂野趣寫蕭騷
宿盤且飽蒸壺味留付先生刻鵠勞

有感

縣令若為倉庾氏坡公句士流甘作斗筭夫農趨堂下蒼

毛鼠晚噪城頭白項烏

題黃陶庵先生日錄手蹟後

日省工夫密先生見道真一朝終取義三月不違仁日錄

始於甲申正月
白
日青天在黃泉
碧血新遺編
起頑懦手
澤秘儒珍

得石君師手書仍用九日韻

尺書問訊菊花籬
勗我風霜晚節持
世路倉黃何可問

天心黑白自難欺

書中辨吾鄉墨
陽子事甚詳

清知禪味終思蛻老

憚犧文尚見縻
忘相觀空憑道眼
底須不食筮初頤

和滄來吳淞途中寄懷韻

止水潛魚餌不吞
息交祇合閉柴門
遠書鄭重枕榔驛

是日使者先以石君師
粵東書問至故反之

好句清新穠秬村
海上懷人潮

靜居詩後稿

卷八

五

月滿江干作客雪泥存

前歲余游皖

心言許我成三益重嗅

寒梅把臂論

和滄來海塘觀稼疊韻之作

海田雲稼接畦長晚熟吳秔壓黍梁始信風霜成至寶
從知畎畝有真香年來民食關憂樂老去人情閱燠涼
但滿篝車休滿橐飢愁翻笑漢東方

水市烟村景物闌毳衣曉犯海濤寒沿隄衰草驄嘶過
栖畝餘糧雀啄殘愧我有秋三徑廢望公如歲萬家懽
靜中細較行藏理所處雖殊分各安

來詩有勸駕之意故答語如是

晚菊用國兒韻

欲葆孤根未剝陽肯隨時世競殘粧飲泉伯始空貽臭
餐露靈均自惜芳碩果道存愁蘗落彙茹志在用包荒
掇英滿袖無人贈獨理心謠託古狂

大道何分寂與喧無端薄植怨霜髡老餘病骨惟添傲
澹入神交已廢言嶺外梅花勞附驛天涯蘭草忌當門
山家服食尋常有不為芝苗學綺園

沙溪烈婦馬氏遺孤不育殉其主州守于公作詩
表之和韻一首

汗簡勤蒐筆未闌

時修州志表章節烈甚力

風聲感被到微寒紅顏

無命恩猶在黃口何辜淚已殘匹婦竟成溝瀆諒大夫

翻為里閭歡百年湮沒奇貞蹟欲挽狂瀾作砥安

近采墨陽

子事入新志

酬王右申錢同人

二老今尊宿

謂述庵竹汀兩先生

門才衆所誇美君雙白鷺病我

一黃花東海荒寒地西京著作家

時兩君以聘修州志寓婁

伊人欣

宛在不復賦蒹葭

雅託葭莩誼聊為桑梓談野芹賓可樂園把主猶慙文

字琳瑯筆詩篇璚瑁簾畫禪如舊識為我問香龕

攜珠溪覺

上人山水
見贈故及

滄來見示晚菊詩和韻

病起風帷強自披傲霜認取好花枝
野籬破悶無過酒
官閣偷閒又寄詩
徑自不由常慕偃
園終可學莫嘲遲
孤根已信藜蒿品
難入祥符萬本芝

玉筍山中有舊芽
春紅閱盡洗鉛華
淡交情味君如水
幽獨形神我共花
曲罷鶴招王子晉
書成鷺換管霄霞
三仙亭畔還攜手
笑說姚家與魏家

和滄來謝嵇運使送菊詩韻

花事闌珊到小春落英也似病餘身
翦裁錦組重舒豔贈答瓊瑤愈出新
邂逅冰霜三益友扶持風月兩閒人
此間豈可無杯杓官釀家醅總乞隣

瑤華子用國兒晚菊韻見贈和荅

聞道靈飛煉九陽芝眉蓬髮六銖糒
金精不遣容顏老玉藥還貽服餌芳
喚鶴踏殘山月瘦呼龍耕破海雲荒
棄官梅福原仙侶流落人間作醉狂

我豈能為長夜飲仰天大笑類齊髡
九歌觸事湘中怨

一操移情海上言，急管哀絃橫槩地。
殘盃冷炙曳裾門，藍橋寄語瓊漿好。
怙愔誰人味道園。

花前獨酌有感

賸有忘憂物，蕭然寄此生。
清和知酒德，寒瘦見花情。
歲月無聊賴，陰陽劇戰爭。
爰居雖避海，風雨念嚶鳴。

時聞方葆

岩罷官信

十月朔菊花盛開，同人作展重陽之會。
瑤華子用坡公韻見示，和答。

世事茫茫一醉休，那堪搔首睇方州。
江邊自有投竿計。

海內誰為借箸籌晚節花開韓相圃謂石君先生舊游
時重撫皖

月滿謝公樓王喬不是人間客薦地言愁我更愁

詠古七首疊用前韻

費汝南囊萸

千年採藥幾曾休海外須知更九州綠醪有情催客把
青囊無術讓仙籌芳貽江畔騷人宅秘入山中宰相樓
更欲從君求縮地一壺消盡古今愁

陶元亮采菊

歸去先生意便休高名何必動江州已將秫米充官橐

又把花枝當酒籌
惠遠之間勞置席
義熙以後罷登樓
籬英未是忘憂物
老眼霜風點點愁

孟從事落帽

大笑狂歌客且休
眼中豈復識荊州
髮衝真有三千丈
頭漉猶堪一百籌
衰颯涼風臨北塞
寂寥明月照南樓
免冠毛穎相嘲戲
誰識江山岸幘愁

王子安作賦

一夕帆風騁不休
天教才調壓洪州
雞場兒戲羞傳檄
虎帳人驚促報籌
帝子臨江空畫閣
水仙入海有瓊樓

浪遊記我題詩處暮雨西山鎖舊愁

杜少陵題詩

滿地干戈一病休中原揮涕帝王州孤臣自切牧京疏
老客空紆入蜀籌萬里草堂遺故宅九秋花事近高樓
天涯何物酬佳節落葉長江七字愁

白少傅懷友

磨官苦未給旬休念我良朋在遠州九日有花題雁字
五更無夢聽雞籌高寒夜色星河闕早濕秋陰霧雨樓
怨李恩牛當日事風波宦海至今愁

蘇學士會客

民勞汔可爾時休隻手迴瀾障楚州虎豹當關丞相怒
魚龍避舍使君籌四方嘉客逢斯會千古高名重此樓
太息監河輸下策秋風瓠子不勝愁

題陸書宣遺照

三十年前夢幻身酒痕墨瀋是何因東風吹徧梅花笛
飛入泉臺不肯春

題印頤堂同年囊琴圖

我不曉琴法頗能得琴理太音不在音昧者但貴耳陶

公弄無弦可謂解人矣觀君囊琴圖其意毋乃是我堪
任問疾已會默然旨

時頤堂
病中

閉關日示家人作

蹉跎四十九年身恐負丹溪一段因露電觀空終是假
冰霜落實始為真門題鳳字羞凡鳥路引桃源笑俗人
領取眼前閒歲月故應先讓老靈椿

不通冠蓋便相安居士生涯避宰官世事棄如芻狗易
道心養到木雞難有無一合誰離相內外雙鍵可覓丹
留得龐家公案在風光臘後話團圓

冬至夜坐作

底須緹室測灰筭默守黃鍾一寸宮夜氣自歸虛寂表

春陽欲露妙明中但於老境貪三適

坡公以旦起理髮
午寢坐睡夜卧濯

足為三適豈有仙才慕六通回斡羣陰乾震德朝來扶杖更

占風

聞鐘聲

衆籟正淪寂鏗鳴如許雄百年春夢底萬戶曉霜中漏
盡燈無盡心空竅自空威音非起滅世界轉輪風

。讀參同契和陶山海經韻

大道本在我俗士與之疎逆旅苦飄泊孰肯歸遽廬繫
余蚤衰病覃研養生書端居歲將晏斗柄已迴車閉關
謝人事一七薦寒蔬三復參同文陳義義孔俱妙合準
儀象殺列配卦圖身中有真易老至猶茫如

伯陽漢高士谷神煉童顏功成去塵世哀此朝菌年元
珠抱徑寸著書藏名山誰能索罔象得意忘其言

元範宗黃老高詞媿墳邱七篇錯經緯竒奧罕與儔陋
彼方術家昧源濫支流獨見天地心執契造化游

注者繁卮言晚出推雲陽

朱元育號雲陽道人
嘗注參同契闡幽

環中達

象外引之其說長遂今讀者愚偷此鑿壁光導我襄城
轍歧路免倉黃

聞道貴勤行困勉天所憐但能鍵內外何必居深山虛
極復靜篤包括五千言守中歸冥默佩服終餘年

思學兩有窮善問攻堅木疑義無與析塊然處空谷願
謁盤陀翁蠲辰具齋浴片言發吾覆中夜炳蕭燭

御政在保泰內陽統外陰一息消長機萬古得失林大
君坐明堂渙汗布德音恭默以思道永無醉飽心

養性求根源此理深且長誰知獲家寶了不異庸常委

志希無為淡然天人糧一虛鏡萬象死在水中央
伏食寓妙用爲兔制飛走精髓化網緼二氣相抱負本
以同類親外物復何有調燮賴神運銖乘辨先後
百川勢就下尾閭泄滄海元圭功未告息壤竟安在黃
熊淪羽淵九載徒悲悔勿使天一根其涸可立待
如來真實相拈華示微旨奈何學頑空竟以枯坐死緬
思初祖禪歸去遺隻履苟非金剛堅出舍無可恃
舉世墮財色煽誘召方士鼎器與藥物狂瀾胡底止義
心杜旁門持誇寶卓爾上規淮南篇下逮抱朴子

漢武亦雄主多欲非仙才富貴不知足乃望王母來姦
回伺瑕釁巫蠱成疑猜違道而任術貽患豈小哉

○和陶歲暮作東蛟門

解心即解境過耳鏗風泉喧寂了不知忘機遺語言執
境即執心入手絲絃繁斷續苦無奈觸緒成違愆我欲
強逃此閉戶如空山轉為空所縛沈冥去難還君乃適
邁彼藤蔓相糾纏遂為有所障憂傷感中年隔別曾幾
時新故皆推遷我出君亦來空有歸茫然

○僕於冬至前七日閉關止靜至臘八期滿與家人

禮南海法懺得詩四首

隔歲期常準殘年計未差閒如僧退院樂比客還家世
外求梨棗山中具筍茶簾帷光動處爐火夜深加

子半參消息天心一竅藏百年茅塞路七日黍炊鄉虛
白非無室中黃亦有房不因扃閉力何以護微陽

三尺蕉團地塵勞此小休道將虛自集神以默相酬雲
袖前因悟風輪末劫愁梅花應笑我錯過幾生修

不捨威儀相方為宴坐林

見維摩經

香花嚴淨界水月妙明

心沙數誰量數潮音莫辨音閉關無可覓啟戶更難尋

殘臘與蛟門及兩兒小酌

老病三旬不啟關，衝寒一笑倚堅頑。開醅酒力畸人骨，

出窖花光姹女顏。江上緘魚連日去，

近寄石君師及蓮士葆岩金門各札

樓中招鶴幾時還。沈得喪何勞問，且付浮生醉夢間。

再酌仍前韻

兀然頓破萬重關，那管旁人笑我頑。寒到齏鹽存老齒，
春生麴米借童顏。行藏何地逢中隱，消長隨時待大還。
莫道醉醒無一語，微吟半在竹梅間。

老子新沐歌用坡公遊羅浮山韻

夫子朝周觀洛京抱道欲以堅白鳴忽逢柱下契物外
損使視聽遺聰明熱然非人不可象得一乃先天地生
何為栖栖憫焚溺目營四海譏耦耕何為矻矻補殘闕
手訂千古師商彭木鐸閔響騰縱橫泰山鴻毛無重輕
濁亂精血積腥腐譁幻口耳藏姦獍姬公勞苦三握髮
鄒魯不救坑秦庭偽儒濡首弄艱澀美新焉用談元經
多言數窮有明戒三緘且守金人銘薰蒸泥丸散霧雨
齋祓報謁仙都卿離騷遠遊頗知道彈冠而來楚屈平

未飯鐘時已飯茶得僧字二首

世間竟少閒茶飯一喫東堂得未曾傳鉢尚存煩地主
留鐘不打感山僧六時彈指初中分兩味安心大小乘
舌本耳根比功德不知誰減與誰增

宰官居士兩無憑百八聲中曉夢仍香積飯來數座法
趙州茶去上堂僧龍團舊賜詩猶在豬肉新燒頌也應
冷暖自知無可說髭絲禪榻且瞢騰

園居雜題

取原經塾

取爾混混不舍待渠滴滴歸原六經全體大用易為衆

妙之門

洗心閣

未聞以水洗水何用將心覓心些子退藏一竅包犧畫
前去尋

井福堂

井有地為福田井有泉為福澤食福不識不知汲井无
喪无得

鼎凝堂

非性何以凝命非德何以凝道君子取象于鼎天公

一之妙

自在堂

自在觀心常在如來見性本來休防對境風動只怕臨時月埋

大歡喜堂

佛樂衆生獨苦佛悲衆生皆喜八萬四千塵勞不直虛空一指

復初齋

天地貞元萬古陰陽消長一爻老子閉關不出暗香已

動梅梢

培福齋

兩眼浮雲富貴一肩明月神仙種就玉芝瑤草人間小有洞天

歸雲榭

出岫本非霖雨歸山自有烟霞喚醒邯鄲旅店留題若
害人家

菜根軒

種菜種花一處嚌因嚌菜兩家人言百事可做我道

鍾何加

詩志齋

幾輩批風抹月一場摘阮搗箏直揭無邪宗旨免教雅
鄭同聲

願香室

慈筏無人可捨願船許我同登他日休爭衣鉢今朝且
守香燈

春浮禪室

墮落三生石上歸來千佛林中留得維摩樹在待誰彌

勒龕同

淨嚴室

自性莊嚴佛土自心清淨法門行婆持誦禮拜老僧文字語言

無閒緣

仙人揮毫如意禪宿舉棒當頭領取嶽雲九夏圓成潭月三秋

慧香室

龍女珠穿瓔珞天孫錦織袈裟一縷心香結正雙林意

蕊開花

憶橘隱處

世上攻圍一劫局中勝敗千場醉倒洞庭春色此中黑白茫茫

求放心處

身外徒求雞犬眼前誰悟鳶魚若存若亡爾爾無來無去如如

般若船

波羅蜜門到步閻浮提界回頭載得知歸歸去依然不

靜庵詩後稿

卷八

六

繫虛舟

是額為知
歸子題贈

止亭

艮止可以學山坎止可以鑒水蒙象二者兼之果行育德在是

密廬

鶴胎龜息不死蠖屈龍伸自由莫學蝸牛黏壁可憐露尾藏頭

愛蓮居

四生愛見皆妄一點慈心是真成汝初果二果還我初

身後身

問津

活活洞中雲液鄰
鄰川上風漪家住桃源深處千春未
許人知

靜厓

誰知大年小年不問先天後天夫子半日可坐道人一
生足眠

静居詩變卷八